

周

易

姚

氏

學

无首元爲之首首出庶物是其長矣善吉也亨者嘉
之會也案嘉善也美也會合也乾坤通成既濟陰陽

得位而相應故曰嘉之會

乾父坤母是生六子天地
細縷萬物化醇六十四卦

皆自元來乾元坤元交則別成一卦非乾坤而實乾
坤之氣故卦之稱元皆曰乾坤其實乾坤既交卽爲
彼卦之元一索再索三索是生六子氣亦由微及著
陰陽亦男女男女亦陰陽萬物化生天人一也呂覽
精通云父母之於子也子之於父母也一體而兩分
同氣而異息若草莽之有華實也若樹木之有根心
也雖異處而相通隱志相及痛疾相救憂思相感生
則相歡死則相哀此之謂骨肉之親神出於忠而應
乎心兩精相得豈待言哉卦之相通亦猶是也

利者義之和也貞者事之幹

也注荀爽曰陰陽相和各得其宜然後利矣陰陽正

而位當則可以幹舉萬事

案幹本也正也
本正則事舉

君子體仁

足以長人注鄭康成曰體生也

見文選注

案乾元純陽之

始故生仁

乾為君子元者乾之始立天之本仁者君子之始所以為君子者也故君子體仁

長君也元善之長故足以長人禮運曰仁者義之本

也順之體也得之者尊嘉會足以合禮案禮體也履

也有本有文忠信禮之本也義理禮之文也无本不

立无文不行嘉會則本立體也合禮則文行履也乾

坤通陰陽合故足以合禮喪服四制曰凡禮之大體

體天地法四時則陰陽順人情故謂之禮利物足以

和義貞固足以幹事案利不及物則不和不和則失
宜故利物足以和義貞正也定也故固固堅也詩曰
亦孔之固正其本萬事理故足以幹事君子行此四
德者故曰乾元亨利貞案德者得也四者非自外來
故曰德云故曰乾元亨利貞者謂君子自強不息終
日乾乾以行四德乾健也行也

初九曰潛龍勿用何謂也子曰龍德而隱者也案隱伏
也微也陽氣始動於黃泉故隱坎爲隱伏亦謂其時
陽氣伏藏也不易乎世不成乎名注鄭康成曰當隱

之時以從世俗不自殊易无所成名也案名聲名卽
爻畫之名也陽伏初下未成畫爻變易未見故不易
世君子以成德爲行未成畫爻故不成名遯世无悶
不見是而无悶案遯隱也謂十月陽氣隱遯悶懣也
是善也未見未成故不見是謂十一月氣微功未著
也陽從剝伏坤出復出入无疾故无悶畎畝之中樂
堯舜之道人知之亦囂囂人不知亦囂囂樂則行之
憂則違之注虞翻曰陽出初震爲樂爲行故樂則行
之案陽生動行故樂則行之坎爲加憂爲隱伏故憂

則違之

太玄中次三日龍出於中首尾信可以為庸
立文云龍出於中何謂也龍德始著也陰不

極則陽不生亂不極則德不形君子修德以俟時不
先時而起不後時而縮動止無章不失其法者其唯

君子乎故首尾可
以為庸也義本此確乎其不可拔潛龍也**注**鄭康成

曰確堅高之貌拔移也

見釋文

案震動起稱拔初隱伏

在下乾其靜也專故確乎不可拔孔子曰用之則行

舍之則藏九二曰見龍在田利見大人何謂也子曰

龍德而正中者也**案**陽為龍德正中謂五二非陽位

必升坤五正位為君故利見大人也庸言之信庸行

之謹**注**荀九家曰以陽居陰位故曰謹也庸常也**案**

信誠也謹慎也氣從下生根於元故言信畫動之爻
稱行二失位動則化爲陰故謹防陰也二世子之爻
當升坤五不可化閑邪存其誠注宋衷曰閑防也閑
其邪而存誠焉二在非其位故以閑邪言之能處中
和故以存誠言之案閑邪防陰存誠保陽也此上皆
謂爲世子時也樂以脩內禮以脩外立太傅少傅以
養之入則有保出則有師善世而不伐德博而化易
曰見龍在田利見大人君德也注荀九家曰陽升居
五處中居上始以美利利天下不言所利卽是不伐

荀爽曰處五居坤故德博羣陰順從故能化案此謂升坤五爲大人也二升坤五坤五降二成既濟二爲雨施故善世爲繼體故不伐德施普故德博而化化謂陰陽易成既濟雲行雨施品物流形也二當升坤五爲君故曰君德稱易曰者言易以所言利見大人者以其有君德當升坤五故特出易曰以明之九三曰君子終日乾乾夕惕若厲无咎何謂也子曰君子進德脩業忠信所以進德也脩辭立其誠所以居業也案進德謂息至三脩業謂居三之業功業見乎變

畫變之九也三由元來乾乾未已故忠信所以進德
變之九與陰接故脩辭言者心聲爻由畫變也變之
九不化故立其誠所以居業乾乾惕若三之德業也
脩飾也禮不辭費故脩辭所以通情者也表記曰無
辭不相接也欲民之無相褻也忠敬誠信業事也知
至至之可與幾也知終終之可與存義也(案)至之謂
息至三終之謂終於九息至三得位故知至至之幾
者動之微見幾而作幾也知至至之亦幾也故可與
幾謂陽自初至三成畫也畫動成爻終於九不化之

陰故知終終之義者事之宜存察也得位爲宜失位則失宜三終於九不化之陰故可與察事宜乾乾惕若防患於未然也是故居上位而不驕在下位而不憂故乾乾因其時而惕雖危无咎矣注虞翻曰天道三才一乾而以至三乾成故爲上案三與五互一卦三在下故爲下亢則有悔三在下體因時而惕故不驕驕謂恃已陵物也初在下憂則違之三雖在下已居下體之上故不憂不諂不瀆何憂何驕時謂日夕剛而不中故危九四曰或躍在淵无咎何謂也子曰

上下无常非爲邪也注荀爽曰乾者君卦四者臣位

也故欲進躍居五下者當下居坤初得陽正位故曰

上下无常非爲邪也

案得陽正位謂或上或下求得陽之正位

進退无恆

非離羣也案進謂變之九退謂化之陰四不之坤初

則當化故進退无恆羣同類也陽與陽爲羣陰與陰

爲羣所謂方以類聚物以羣分者也離麗也之坤坤

陰非陽羣化爲陰居本位乾陽非陰羣上下求陽位

故非爲邪進退俱異類故非離羣乾道變化氣自四

始

四乾道乃革革變化也十一月十二月十三月之時陽在下體物始萌芽氣未上升至二月震氣激

而在地氣始上升震以出之風以行之陰陽氣交物得之而枝葉生上變而下亦變所謂變之七也至四月陽究上究則下亦究乾動也直於雷見之春氣上行可目驗者也唐志一行卦候議云陽七之靜始於坎陽九之動始於震陰八之靜始於離陰六之動始於兌案坎陽始生七之始也至震成七九之始也離陰始生八之始也至兌成八六之始也雷出地而陽行風行地而陰出

君子進德脩業

欲及時也故无咎案進德進至四脩業脩居四之業

謂畫動爲爻也當其可之謂時四不當位故欲及時

所以上下進退也三得位不之他不化故因時四失

位上下進退故欲及時也

晁說之謂鄭作及時僞也時是也四失位故欲及時

所以上下進退欲之故然也或之者疑之也疑所以欲欲字正解或之之故失位而欲得位故无咎知鄭

本斷不刪去欲字陸氏釋文異文俱載何於鄭獨多遺漏而說之得之獨多邪與張弧偽子夏傳同屬託大儒以欺人耳其說有不悖於義者乃依放別家注為之宋儒作偽大類如此今概不用九五曰

飛龍在天利見大人何謂也子曰同聲相應同氣相

求案謂乾坤純陽純陰陰陽各以類相應求聲氣之

感莫不皆然三百八十四爻陰陽各半而元用之此

言乾坤為一經之宗也水流溼火就燥案溼幽溼也

水流溼謂坎上下皆坎故流溼燥乾也火就燥謂離

上下皆離故就燥水潤下故流火炎上故就就高

也此又舉坎離言其得乾坤之中氣所以為陰陽之

始終也雲從龍風從虎案雲從龍謂頤小過震爲龍

雲山氣謂艮也

論衡藝增云山氣爲雲說文云雲山川氣也艮爲山氣升爲雲

震反

成艮重卦爲頤艮反成震重卦爲小過艮震反復相

從故雲從龍也風從虎謂大過中孚巽爲風兌爲虎

巽反成兌重爲大過兌反成巽重爲中孚兌巽反復

相從故風從虎四卦反復不衰與乾坤坎離同言此

八卦者以明卦之所以以旁通反復相受也陽氣至

大過而滅養於頤起於中孚見於小過

龍所以象陽故六爻稱六

龍乾元戰亥出震震得乾初之氣故震爲龍龍以春分升也陰氣成於秋故陸績草五大人虎變注云兌

之陽爻爲虎陰爻稱豹宋衷云兌爲白虎淮南子天文云物類相動本標相應虎嘯而谷風至龍舉而景雲屬東方朔七諫云同音者相和兮同類者相應飛鳥號其羣兮鹿鳴求其友故叩宮而宮應兮彈角而角動虎嘯而谷風至兮龍舉而景雲往音聲之相和兮言物類之相感也皆用此爲義管輅別傳徐季龍與輅共論龍動則景雲起虎嘯則谷風至以爲火星者龍參星者虎火出則雲應參出則風到此乃陰陽之感化非龍虎之所致也輅言夫論難當先審其本然後求其理理失則機謬若以參星爲虎則谷風更爲寒霜之風寒霜之風非東風之名是以龍者陽精以潛爲陰幽靈上通和氣感神二物相扶故能興雲夫虎者陰精而居於陽依木長嘯動於巽林二氣相感故能運風若磁石之取鐵不見其神而金自來有徵應以相感也況龍有潛飛之化虎有文明之變招雲召風何足爲疑季龍言夫龍之在淵不逃一丈之底虎之悲嘯不過百步之中形氣淺弱所通者近何能測景雲而馳東風輅言君不見陰陽燧在掌握之

中形不出手乃上引太陽之火下引太陰之水嘘吸之間煙景以集苟精氣相感懸象應乎二燧苟不相感則二女同居志不相得自然之道無有遠近此輅伸雲從龍風從虎之義也龍陽精以潛為陰故震象焉虎陰精而居於陽故兌象焉聖人作而萬物覩注鄭康成曰作起也見釋文虞翻曰覩見也案上舉反復不衰八卦以明

皆元之用聖作物覩亦類從也聖人作所謂大人造公孫宏曰氣同則從聲比則應今人主和德於上百姓合和於下故心和則氣和氣和則形和形和則聲和聲和則天地之和應矣本傳對策乾元為聖人託位於

五本乎天者親上本乎地者親下則各從其類也案

此明陰陽各以類從乃同類相召之所以然也

虞翻云雷

風相薄故相應也山澤通氣故相求也離上而坎下水火不相射乾為龍雲生天故雲從龍坤為虎風生

地故風從虎義同乾坤之氣以風雷交交則相薄而有聲乾坤之氣以山澤通風雷山澤相應相求皆乾

坤也龍陽潛陰虎陰居陽台言震兌專言其氣則乾坤耳上九曰亢龍有悔何謂

也子曰貴而无位注荀爽曰在上故貴失位故无位

案虞繫辭傳注云天尊故貴以陽居陰故无位義同高而无民注虞翻曰在上

故高无陰故无民也繫辭傳注案陽君陰民乾純陽之卦

然則五亦无民乎非也五陽得位坤順從之豈无民

哉上之所以无民者以其失位三又不化故也桀紂

之民歸湯武矣豈其民乎賢人在下位而无輔是以
動而有悔也注荀爽曰謂上應三三陽德正故曰賢
人別體在下故曰在下位兩陽无應故无輔案動謂
晝動之九上失位不動則悔不著動之九陽極則陰
來故有悔无位无民无輔烏得不動輒得悔與非聖
人孰能處此而无凶咎者乎是以深戒之

潛龍勿用下也案不言陽但言下明在下皆然也淮南
子曰潛龍勿用言時之不可以行也

人間文案漢志
淮南王安聘明

易者九人號九師法
此蓋九師說遺與

見龍在田時舍也注虞翻曰二

非王位時暫舍也案舍止也乘時升五乃為大人未

升則舍於二得位而升升之時也非時而舍舍之時

也故曰時舍謂二云見龍在田者以其得時方升未

升則尙在田也

惠氏士奇云舍讀為田舍東郊之舍時舍對時行時乘乘則行舍則止時

止則止時行則行動靜不失其時其道光明見龍之象也初時潛二時舍三時行四時躍五時飛至上而

窮故亢亢者不知時也

終日乾乾行事也或躍在淵自試也案

進德脩業故行事或上或下故自試所謂疑之也試

驗也嘗視也

惠氏棟云求陽正位而居之故自試四非居五則當下居初或之故自試也

飛龍在天上治也案五居尊位居上治下故上治治

理也亢龍有悔窮之災也案窮極也災害也亢上故窮陽極則陰來故窮之災乾元用九天下治也案乾元用九則爻之九皆元之用矣乾元不自用合衆陽以爲用聖人不自用合羣聖以爲用故天下治治整也孔子曰昔者舜左禹而右皋陶不下席而天下治

大戴王

言文

潛龍勿用陽氣潛藏案藏猶隱也潛藏謂元

惠氏棟云陽息初震

下有伏巽故曰潛藏案初之潛藏自謂陽在地中若云伏巽巽初陰爻耳與乾陽无與且伏巽是巽伏非陽氣潛藏之義初當坎位坎爲隱伏陽在地中卽是潛藏所謂坤以藏之也不必取伏巽見龍在中

田天下文明案乾二之坤五坤五降乾二成離爲文

明

離爲日得坤中氣坤爲文離南方朱鳥之象故虞注易以離爲文明茲依用之

謚法曰慈

惠愛民曰文照臨四方曰明德施普故天下文明也
終日乾乾與時偕行案乾乾不息故與時偕行偕俱
也或躍在淵乾道乃革案革去故也下體終上體繼
乾陽動而出地萬物變四或上或下去其本位春秋
傳曰失則革之獨四言革者乾道變化氣自四始否
泰之交乾坤革易故三曰反復四曰革飛龍在天乃
位乎天德案元爲天德五天德之位乾元託位於五

故位乎天德謂正位也天德之位聖人之大寶也亢
龍有悔與時偕極案在上故極四月陽極之時故與
時偕極晝者時也爻者晝之動時之極所謂六爻之
動惟其時物三極之道也乾元用九乃見天則案則
法也常也尊无與二天之則也九爲元用天則見矣
天何言哉四時行焉百物生焉乾元用九亦如是也
呂覽曰不出者所以出之也不爲者所以爲之也故
曰天無形而萬物以成至精無象而萬物以化大聖
無事而千官盡能

君守
文

乾元者始而亨者也注虞翻曰乾始開通以陽通陰故

始通案乾元陽之始坤元陰之始始通謂陰陽以元

氣交會也而詞也

班彪傳注引禮統云天地者元氣之所生萬物之祖白虎通天地云

地者元氣之所生萬物之祖也管子云地者萬物之本原諸生之根苑也案太極函三爲一是曰元分爲

二乾得其陽坤得其陰故乾坤皆有元也利貞者性情也案未發謂之性

發而无節謂之欲發而皆中節謂之情情者合乎禮

樂各得其正者也乾性陽坤性陰九六者畫之變由

性而發偏於一不能合乎情者也乾二四上之坤坤

初三五之乾成既濟六爻得正乃謂之情故曰利貞

者性情致中和天地位萬物育者也荀子曰人無師
法則隆性矣有師法則隆積矣而師法者所得乎情
非所受乎性不足以獨立而治性也者吾所不能爲
也然而可化也情也者非吾所有也然而可爲也注
錯習俗所以化性也并一而不一所以成積也習俗
移志安久移積并一而不一則通於神明參於天地
矣儒效董子曰性者天質之樸也善者王教之化也

無其質則王教不能化無其王教則質樸不能善質性

文又深察名號云性比於禾善比於米米出禾中而
禾未可全爲米也善出性中而性未可全爲善也善

與米人之所繼天而成於外非在天所為之內也天之所為有所至而止止之內謂之天性止之外謂之人事事在性外而性不得不成德 觀二子之言可以知利貞性情之

義矣彖言性命言一陰一陽本太極之體以性溯命

也此言性情言乾坤通成既濟一陰一陽發皆中節

以性推情也易之始始於太極一陰一陽之謂道也

終於既濟亦一陰一陽復太極之體以是始以是終

終而復始周流无竟者也

陰陽各有性性各有偏發皆中節謂之為情故云

貞者性情樂謂云人生而靜天之性也感於物而動性之欲也蓋隨性而發失其正者為欲得其正者為情欲而得正亦即是情此性之本正而發於外者乾之初三五是也欲而不正是之謂欲化之正然後為

情此性之不正發於外待教而後正者也乾成既濟
二四上是也故合而言之欲雖失正亦是感物而動
通謂之情樂記云夫民有血氣心知之性而無哀樂
喜怒哀之常應感起物而動然後心術形焉此統其發
於外者言之不論其當否者也若分而別之則合於
禮樂乃得爲情一人爲然天下之人皆以爲然放諸
四海而準乃是情也樂記云先王本之性情稽之度
數制之禮義合生氣之和道五常之行使之陽而不
散陰而不密氣不怒柔矣不憚四時交於中而發
作於外皆安其位而不相奪也又云樂也者情之不
可變者也禮也者理之不可易者也樂統同禮別異
禮樂之說管乎人情矣此乃所謂情也故利貞者性
情言六爻皆正則性之偏者亦化矣繫辭傳云設卦
以盡情僞云情僞相感得位爲情失正爲僞呂覽情
欲云耳之欲五聲目之欲五色口之欲五味情也雖
神農黃帝其與桀紂同聖人之所以異者得其情也

乾始能以美利利天下不言所利大矣哉注虞翻曰

美利謂雲行雨施品物流形故利天下天何言哉四

時行焉百物生焉故利者大也案能該也
釋名釋言語云能該

也無物不兼該也利而可言所利僅矣不言所利不可言也

呂覽曰天地大矣生而弗子成而弗有萬物皆被其

澤得其利而莫能知其所由始此三皇五帝之德也

貴公文陽稱美善也大之之辭也孟子曰充實之謂美

大哉乾乎剛健中正純粹精也案剛堅強也健建也

亦強也純專也粹不雜也精靜也乾陽剛健元託位

於五故中正乾其靜也專六畫皆陽專而不雜故純

粹六者乾之靜故曰精此贊乾元成畫六畫純陽乾
之性卽上所謂性也未發謂之性畫未變成爻也六
爻發揮旁通情也注陸績曰乾六爻發揮變動旁通
於坤坤來入乾以成六十四卦故曰旁通情也案發
揮猶發動旁溥也往來不窮謂之通六爻發揮謂由
六畫而發動爲六爻也發爲六爻仍偏於一與坤通
成六十四卦皆成既濟則情也不發動无由旁通既
變然後有化也上言其靜六畫未變性也此言其情
成既濟也所謂利貞性情也時乘六龍以御天也雲

行雨施天下平也注荀爽曰御者行也陽升陰降天

道行也乾升於坤曰雲行坤降於乾曰雨施乾坤二

卦成兩既濟陰陽和均而得其正故曰天下平

案韓詩外

傳云夫霜雪雨露殺生萬物皆也天無事焉猶之貴天也執法厭文治官法民者有司也古無事焉猶之尊君也夫闢土殖穀者后稷決江流河者禹也聽獄執中者皋陶也然而聖后者堯也故有道以御之雖無能也必使能者爲己用也無道以御之彼雖多能猶將無益於存亡矣詩曰執轡如組兩驂如舞貴能御也時乘六龍以御天亦天有以御之也四時十二消息升降於六位以行天之元氣雲行雨施莫非元之用成既濟六爻正陰陽和故天下平

君子以成德爲行日可見之行也潛之爲言也隱而未

見行而未成是以君子弗用也。案初體復復德之本也。元動成畫爻故以成德為行剛柔者晝夜之象動成畫爻故日可見之行乾元始動未成畫爻故隱而未見行而未成未見未成是以弗用言君子明其龍德也君子學以聚之問以辯之寬以居之仁以行之易曰見龍在田利見大人君德也。注虞翻曰陽在二兌為口震為言為講論。

案震雷為聲言者心聲

坤為文故學以

聚之問以辯之兌象君子以朋友講習震為寬仁

案五

行傳云東方謂之仁

案初習謂之學重習謂之脩之目君德也

學記曰師也者所以學爲君聚之辯之居之行之皆
謂君德也聚具也問論難也辯謂考問得其定也寬
宏也猶愛也寬以居之者學之博愛之深藏脩息游
无非學也仁以行之以仁天下也此皆爲世子時事
故重言君德言二當升五而爲君而天下利見之也
文王爻辭唯九三言人事傳則言行言學言進脩无
在非學也象曰君子以自強不息子蓋三致意焉子
曰加我數年五十以學易而於每卦象傳必曰以以
者學之謂也自天子至庶人无人不當學自春及冬
自朝及夕无時不宜學富貴貧賤夷狄患難无在不
可學子曰我學不厭曰發憤忘食曰不知足之好學
聖人亦學而已學記曰君子如欲化民成俗
其必由學乎故於世子之爻發學之義焉

九三重

剛而不中上不在天下不在田故乾乾因其時而惕

雖危无咎矣注虞翻曰以乾接乾故重剛位非二五

故不中也案上下體為重重重巽重險因而重之也案五天全乎君三居

上而非五故不在天二田全乎臣三在下而非二故

不在田上臣於天子下君其臣民為君難為臣不易

止仁止敬文王其當之矣九四重剛而不中上不在

天下不在田中不在人故或之或之者疑之也故无

咎注虞翻曰非其位故疑之案人謂三人近地故三

為人四失位非正故中不在人三四兩爻各兼上中下三居下體一卦之

上是之謂上而非五故不在天三與四五互一卦三
 在下故曰下而非二故不在田也四與二三共互一
 卦四在上故曰上為上卦之下故曰下三五互卦四
 在其中故曰中而非三故不在人二四互卦三亦在
 中不言之者以其在人也上中下三者俱備唯三四
 兩爻初上无兼稱二下中五上中各得兩稱互體五
 在上二在下也魏志鍾會傳會嘗論易无互體亦不知易耳
 上下未定故疑之疑

之言擬也四自擬也自擬未定審擇所處故得无咎
 夫大人者與天地合其德與日月合其明與四時合
 其序與鬼神合其吉凶先天而天弗違後天而奉天
 時天且弗違而況於人乎況於鬼神乎注荀爽曰與
 天合德謂居五也與地合德謂居二也坤五之乾二

成離離爲日乾二之坤五爲坎坎爲月虞翻曰奉承
行案乾元託位於五故於九五發乾元之大用焉五
者聖人之位乾元者聖人也六爻變化皆元主之五
天二地二應五成旣濟之正故與天地合其德二五
相應離日坎月故與日月合其明四時謂十二消息
消息以時故與四時合其序精氣爲神游魂爲鬼成
變化行鬼神故與鬼神合其吉凶旣濟太極之象先
天地者也故先天而天弗違旣濟居一經之終故後
天而奉天時元所以統天也此卽元之爲元无所不

在以明聖之所以爲聖故曰夫大人者所謂建諸天
地而不悖質諸鬼神而無疑百世以俟聖人而不惑
者也與偕也化育萬物謂之德照臨四方謂之明序
次序弗不也天且不違故況於人乎夫民神之主也
人不違況於鬼神乎禮運曰故聖人作則必以天地
爲本以陰陽爲端以四時爲柄以日星爲紀月以爲
量鬼神以爲徒五行以爲質禮義以爲器人情以爲
田四靈以爲畜亢之爲言也知進而不知退知存而
不知亡知得而不知喪案進謂變晝進之九也退謂

化九化之陰也陽爲存化之陰爲亡陽在五爲得在上當化之陰爲喪亡喪其陽也進必有退存必有亡得必有喪上處非其位動則必化之陰所謂動而有悔也不知物極之必反三者不知則三者隨之矣是之謂亢知有退則能保其進知有亡則能保其存知有喪則能保其得知失位而不動則三者免矣非聖人其孰能之

乾純陽之卦六爻一體陽氣之升斷未有止於五不升上者如物之生體无不

全也而其體則不必上盡究而下盡不究氣雖同根於元而究各異舜與桀所處者皆天子之位桀之不善非位之罪陽動有悔又豈上位之咎與使舜而處桀之位不失爲舜使桀而處舜之位仍自爲桀耳故

進退之義宜謂本畫之變化不得以位拘舜可以處
初亦可以處上樂不能居上又豈能居初故論卦爻
必知其全卦之氣然後以位推明之爻有貞吉亦有
貞凶繫乎卦也故乾上雖處非其位不動亦可无悔
全體純陽故也荀爽云陽位在五今乃居上故曰知
進而不知退在上當陰今反爲陽故曰知存而不知
亡茲據變化者進退之象爲義不用荀說其唯聖人乎知進退存亡而不
失其正者其唯聖人乎案其唯聖人言高上之位非
聖人不能居也聖人謂乾元乾元用九自初至上
以貫之故知進退存亡爻之變化莫非元也託位於
五故不失其正再言聖人以見非聖不能也乾道變化各正
性命成既濟六爻皆正元主之也繫辭傳云危者安其位者也亡者保其存者也亂者有其治者也是故

君子安而不忘危存而不忘亡治而不忘亂是以身
安而國家可保也易曰其亡其亡繫于苞桑其亡其
亡以亡自惕也以亡自惕焉得亡乎桀自比於日紂
責命於天不知亡也焉得不亡所謂危者安其位者
也言其所以危亡乃安其位故也卽所謂其亡其亡
其所以亡也君子以之自惕安不忘危所以安也帝
王君臣交勉不諱言亡而卒不亡所謂知進退存亡
而不失其正者也治亂之機不外乎是百世可知子
豈虛
語哉

周易姚氏學卷第二終

周易姚氏學卷第三

旌德姚配中撰

周易上經象上傳象上傳文言傳

☷☷ 坤下
☷☷ 坤上

案

六畫純陰與乾通成六十四卦所謂六爻發揮旁通也故凡陰陽相配之卦均曰旁

通謂乾坤通也

坤元亨利牝馬之貞注虞翻曰陽極陰生乾流坤形坤

含光大凝乾之元終於坤亥出乾初子品物咸亨故

元亨也坤為牝

案建亥之月坤卦用事十一月子一陽生體復乾初也故終於坤亥出乾

初子坤含光大凝乾之元凝乾元即坤元也坤元凝乾元故虞於元每稱乾以乾元歲坤元中也非謂坤

无元太極生兩儀太極元也陰陽未分非有陽而无陰傳云一陰一陽之謂道太極分爲乾坤則乾得其陽坤得其陰皆太極之元也故坤元亦稱案坤順元至至極也或因虞義以元專屬乾非也

始也乾元陽之始坤元陰之始乾坤交故始通陰爲

牝牝雌也乾爲馬坤純陰則牝馬也故傳曰牝馬地

類利初三五之正成既濟故利牝馬之貞正則陰陽

和故利之也取牝馬者地當承天妻當從夫臣當奉

君言其柔順利貞爲所當爲也若四牡項領詩人刺

之矣

五行傳注云馬屬皇極皇極五土斲也平準書云天用莫如龍地用莫如馬馬援傳云行天莫

若龍行地莫若馬王莽傳云乘乾文龍駕坤六馬鄭氏云坤爲牝馬京氏易傳說坤於類爲馬引行地无

疆以證諸說皆依牝馬地類爲義蓋坤陰卦故以牝馬象焉傳云牝馬地類云柔順利貞貞固足以幹事牝馬之貞婦人之事而已矣喪服傳云婦人有三從之義無專用之道故未嫁從父既嫁從夫夫死從子公羊襄十三年傳云大夫無遂事遂者何生事也坤妻道臣道故取牝馬言其柔順利貞也節南山四牡頂領箋云四牡者人君所乘駕今但養大其領不肯爲用喻大臣自恣王不能使也君子有攸

往案上以物喻此據人言坤初三五失位往之乾得

位坤初之乾四三之乾上五之乾二乾二四上來之坤各成一既濟故君子有攸往

攸所也往之也動而之他爲往晝動之爻爻往之他皆是也先迷後得主

案先迷謂初三五未之乾純陰用事无所適從故迷惑也後謂初三五已之乾乾來入坤陰從陽故得主

主君也陰以陽為主陽唱陰和无所迷矣

盧氏云坤臣道也後

而不先陰以陽為主

利西南得朋東北喪朋安貞吉注馬融曰

喪失也

見釋文

孟秋之月陰氣始著而坤之位同類相

得故西南得朋孟春之月陽氣始著陰始從陽失其

黨類故東北喪朋荀爽曰陰起於午至申三陰得坤

一體故曰西南得朋陽起於子至寅三陽喪坤一體

故曰東北喪朋

案利字或誤連主字讀據後得主而有常則主字絕句通典禮部引魏高

堂隆議引易曰坤利西南得朋東北喪朋以利字屬下是也

案坤西南艮東北陰

消成否當坤位否反成泰當艮位故利西南得朋東

北喪朋安貞吉謂陰消否卽反泰泰二之五以成既

濟也安定也六爻各安其居所謂既濟定也

此卽乾三反復

之義陰消陽不利消成否卽反成泰以成既濟故利
蹇利西南不利東北謂坤艮解利西南亦謂坤義與
此同解在當卦虞翻據納甲爲說云謂陽得其朋類
月朔至望從震至乾與時偕行故乃與類行陽喪滅
坤坤終復生謂月三日震象出庚故乃終有慶此指
說易道陰陽消息之大要也謂陽月三日變而成震
出庚至月八日成兌見丁庚酉丁南故西南得朋謂
二陽爲朋故兌君子以朋友講習文言曰敬義立而
德不孤象曰乃與頤行二十九日消乙入坤滅藏於
癸乙東癸北故東北喪朋謂之以坤滅乾坤爲喪故
也馬君云云失之甚矣荀君云云何異馬也案虞義
蓋以月滅藏於癸全體皆暗坤純陰象焉故用參同
契稱甲之義爲說然傳云乃與類行坤陰卦陰與陰
爲類若如虞說成兌陽得朋則云類行可耳不得言

與喪朋謂消滅於癸則陽氣全消云乃終可耳不得言慶陰非慶也有慶謂成既濟六爻得正故安貞吉也虞又謂如荀說當云南西北東此所謂欲加之罪耳東北西南乃語之轉爾雅稱西南隅東北隅詩稱南東其畝非獨易然也若謂自北而東必當言北東則傳稱艮東北之卦豈艮之方位自東而北與虞又謂經豈以乾爲喪案喪朋自謂陰失其類无與乾事

彖曰至哉坤元萬物資生乃順承天(注)荀九家曰坤者

純陰配乾生物亦善之始地之象也故又歎言至美

荀爽曰萬物資生謂萬一千五百二十策皆受始於

乾由坤而生也策生於坤猶萬物成形出乎地也(案)

順猶從也承奉也受也元爲天地之始乾元立天之

本而萬物資以始坤元順承天而萬物資以生坤非

元亦不能生物也故乾曰大哉坤曰至哉坤厚載物

德合无疆含宏光大品物咸亨注荀爽曰天地交萬

物生故咸亨案坤地故厚地卑故載天覆物无疆地

載物无疆故德合无疆疆竟也白虎通曰土者最大

包含物將生者出將歸者入五行故含宏含函也容

也宏寬大也乾坤通成既濟故光大也復小而辯於物陽初息為

小則陰極盛亦得稱大所謂莫大乎天地天地之大

德日生也虞以大專屬乾茲不用光通廣書光被四

表光一作廣一作橫廣大者乾坤合大生廣生也牝馬地類行地无疆案牝

陰故地類天行健故六龍御天坤與乾合德故牝馬

亦行地無疆說文云馬者怒也武也坤柔順故以牝馬象焉引重致遠以利天下故行地无

巽柔順利貞君子攸行注荀九家曰謂坤本柔順陰

位則利貞之乾則陽爻來據之故曰君子攸行案此當云

坤爻本柔順在陽位則利貞之乾蓋在陽位者失位不正故利貞之乾乾陽來據其位坤往之乾則乾來

之坤或往或來皆得其正故君子攸行也此云坤爻本在柔順陰位者傳寫之誤案柔弱也

初三五失正利之正故柔順利貞所謂牝馬之貞也

先迷失道後順得常案失道失柔順之道以陰居陽

上六所以龍戰也失道斯迷矣常謂陽尊陰卑君尊

臣卑天先乎地君先乎臣夫先乎婦道之常也陰不
爲物之始而順從陽以陽爲主斯得常矣董子曰陰
道無所獨行其始也不得專起其終也不得分功有
所兼之義是故臣兼功於君子兼功於父陰兼功於
陽地兼功於天基義文西南得朋乃與類行東北喪朋
乃終有慶案類陰類也陽稱慶善也成既濟以陰從
陽故終有慶虞賁六五注云凡言喜慶皆陽爻茲依
用之坤陰道女子從人若二女同居則
其志不相得其志不同行故必
失其陰朋從陽而後有慶也安貞之吉應地无疆

① 虞翻曰地道至靜故安

案杜集云坤以法地爲
土爲母以安靜爲德

②

成既濟六爻正陰陽應德合无疆謂坤成既濟六爻

相應乃坤之无疆所謂坤元也

乾元統天立天之本坤元應地地德所以

无疆也

象曰地勢坤君子以厚德載物注宋衷曰地有上下九

等之差故以形勢言其性也

案惠氏棟云漢書叙贊曰坤作地勢高下九則

高下者地之勢也自虎通曰地有三形高下平卦有兩坤故以勢言之

案乾圖故以行

言之坤布故以勢言之董子曰陰道尚形而露情陽

道无端而貴神

立元神文

坤順也地位天中其形勢順天

為高下也

素問五運行大論帝曰地之為下否乎岐伯曰地為人之下太虛之中者也帝曰馮

乎峻伯曰大氣舉之也 坤厚載物德合无疆君子行其意亦厚

德載物博厚配地也

初六履霜堅冰至注干寶曰五月之時陰氣始動乎三

泉之下

案素本紀始皇并天下天下徒請送七十餘萬人穿三泉後漢書袁紹上書無令愚臣結

恨三泉注云三者數之小終言深也黃瓊疏無恨三泉注云三者數之極一生二二生三三生萬物天地人之極數故以三為名者取其深之極也案二義俱通 言陰氣動矣則必至於

履霜履霜則必至於堅冰言有漸也

案干又云爻者言平變故易繫

辭皆稱九六也陽數奇陰數偶是以乾用一也坤用二也案九六謂爻一二謂畫九六者一二之變也二

即一解在贊元及繫辭傳案六陰之變履踐也霜喪也白虎通曰

坤

周易卷之二十一

六

一

霜之言亡也陽以喪亡災變一陰初生消乾成姤姤

五月卦云履霜者此言晝變之爻也陽氣究於巳初

之九非十一月即究陰氣盛於亥初之六非五月也

上究而下亦究初之變成六與上六同時蓋九月十

月霜降時也初由變而化之陽體復十一月水澤腹

堅當坎位坎為水為堅多心坤下有伏乾乾為冰故

堅冰至堅剛也固也履霜堅冰幾始於姤由來者漸

矣初在下故曰履五月陰始萌不得有霜霜亦由漸而然九月霜始降陰始變成六坤

全體畢著時也由微陰之凝漸而霜而冰其起甚微非違見者烏睹冰霜之由由於盛夏之微陰哉所謂

積也董子基義云天之氣徐乍寒乍暑故寒不凍暑不鳴以其有餘徐來不暴卒也引此以證見有漸也爻言履霜堅冰言變及化傳曰陰始凝則推本於晝言其所由始非一朝一夕之故也履霜堅冰不繫於姤而必繫坤初者乾坤消息十二月尤所不在其復臨泰大壯夬姤遯否觀剝十卦不過乾坤一月之氣耳四月純陽陽氣盡發謂之爲究其實乾上之陽至戌始究至亥乃伏坤上之氣至辰始究至巳乃伏非旋長旋消者陰陽消息十二月陰陽各六卦各六爻每爻之始壯究亦各六消息十二卦凡七十二爻其實則乾坤十二爻之始壯究耳復初乃乾初之初乾初乃乾初之究乾上乃乾上之始剝上乃乾上之究董子煖煖孰多云九月者天之功大究於是月也是也故其始也全卦之氣伏於初其究也全卦之氣極於上所謂碩果者乃全卦之氣所聚剝而復生者也是故據一卦言則上究而下亦究氣從下生也以十二消息圖爲渾圓三畫以下爲地四畫以上爲天以天行周流之道觀之則陰陽往來消息出入分至

寒暑如指諸掌矣董子陰陽出入云天道大數相反之物也不得俱出陰陽是也春出陽而入陰秋出陰而入陽夏右陽而左陰冬右陰而左陽陰出則陽入陽入則陰出陰右則陽左陰左則陽右是故春俱南秋俱北而不同道夏多於前冬交於後而不同理象曰履霜堅冰陰始凝也

馴致其道至堅冰也

注鄭康成曰馴從也

見釋文

案凝

猶結也初稱始始凝者坤初凝乾初也

惠氏棟云坤凝乾自初始

至上六而與乾接故初曰始凝上曰陰凝於陽必戰

天地嚴凝之氣始於西南

而盛於西北陰始凝而幾動不可不察也故曰履霜

堅冰陰始凝也言冰霜皆由於始宜及其早而辨之

若不早辨及履霜而始覺其萌則即至於堅冰矣故

曰蓋言順也履霜則必至於堅冰履霜者已為積善
 積不善之象而非早也故曰馴致其道至堅冰也道
 地道從初至上十月坤成則初變是為履霜變則化
 至堅冰矣履霜堅冰皆由於始所漸早也故堅冰不
 言至若已履霜則堅冰即至故馴致其道
 至堅冰也言已履霜即至堅冰矣傳稱陰始凝本其
 始患始萌芽猶可陰滅早之不凝至於履霜尚何挽
 哉日趨於危亡之道而欲亂之不生也難矣故爻言
 履霜堅冰至言即至也魏許芝引初六履霜與聖人
受命而王黃龍以戊巳日見同稱為易傳則係緯書
 之言非經本作初六履霜可知矣不得據以解陰始
 凝為履霜淮南子說山云紂為象箸而箕子唏魯以
 備人葬而孔子歎故聖人見霜而知冰其義本此

六二直方大不習无不利柔直正也當也二得位故直

所謂直其正也直謂畫二地道地道方方謂又圓者

行健方者勢坤方即布也

呂覽園道云天道屬地道方聖王法之所以立上下

精氣一上一下圓周復雜故曰天道圓萬物殊參殊形皆有分職不能相為故曰地道方主執圓臣處方方圓不易其國乃昌成既濟二應五德不孤故大習狎也德不

孤必有鄰正以行義何往不宜不獨習焉者利也傳

曰則不疑其所行直內方外行何疑乎

太玄增次二曰不增其方

而增其光測曰不增其方徒飾外也徒飾外謂增其光直內方外非徒飾外矣何不利之有惠氏棟云乾至直坤為方陽動直而大焉故直方大慈意蓋謂陽來之坤二已比或陽也但二成陽則失位何地道之能光且云不習天不利乎傳云直其正方其義其皆指坤言詩爰得我直箋云直猶正也詩實維我特釋

文引韓詩云直相當位也蓋二以陰居陰位故謂之
直言當位得正也傳云法象莫大乎天地天地之大
德曰生地象曰六二之動直以方也不習无不利地
亦得稱大

道光也注鄭康成曰直也方也地之性此爻得中氣

而在地上自然之性廣生萬物故生動直而且方見

衣疏案故生案動謂晝變成爻也以用也行也直以
生疑大之誤

方者直謂晝方謂爻晝當位動成爻以行其義也成

既濟廣生萬物故曰地道光所謂光大也離火稱光
容光必照

照臨四方謂之明亦言其廣也光廣義同以正行義地道之最美者事君

則忠交友則信攸往咸宜何必狎也

坤

周易卷之九

九

一五

六三含章可貞或從王事无成有終注虞翻曰貞正也

以陰包陽故含章三失位發得正故可貞也乾為王

案乾為天為君天王也對坤言則稱君坤為臣也對震言則稱王震百里諸侯之象也 案含懷

也章明也伏陽可發之正故含章可貞三抱美道發

可正位但坤陰臣道故又擬之自擬也從王謂升乾

上不敢居本位自化之正故无成升乾上從陽以終

故有終也

分陰分陽迭用柔剛故易六位而成章坤純陰无支可見三陽尚伏故含章可貞者

可貞而未貞也陸績京氏易傳注云陰臣陽君臣不敢為物之始陽唱陰和君命臣終其事也象曰

含章可貞以時發也或從王事知光大也案當其可

之謂時發伏陽發也乾坤成既濟以陰從陽陰陽俱正故知光大陽唱陰和承天施廣生萬物也春秋之義大夫無遂事

六四括囊无咎无譽注虞翻曰括結也坤爲囊

案坤虛容物故

爲案四不動故括囊坤靜翕也四得位化則失位不

動故无咎不動則亦不變成爻得位之美不著故无譽純陰之卦五異飛龍爲之臣者若動而不已始雖有譽終必有咎故慎以遠害亂之所生也則言語以爲階言行君子之樞機樞機之發榮辱之主也括囊

則藏器於身不出戶庭矣夫何咎何譽乎譽聲美也
荀子非相引此以爲腐儒之謂漢書車千秋傳贊云
括囊不言彼哉彼哉魏文紀霍性上疏云文王與紂
之事是時天下括囊无咎蓋不可言而不言則慎不
害當言而不言則爲腐儒班固謂車千秋彼哉彼哉
以其可言不言是以識之若天地閉賢人隱夫豈可
言以招禍乎危行言孫豈與腐儒共識哉干寶云此
蓋竊賊漢珠與時卷舒之爻也不艱
其身则无咎功業不建故无譽也 象曰括囊无咎

慎不害也案慎靜也國語曰慎德之守也四无應於
下上无所承動則初害之故慎不害害傷也表記曰
君子慎以辟禍篤以不揜恭以遠恥此明哲保身者
也

六五黃裳元吉注鄭康成曰如舜試天子周公攝政見

書李德林傳

案裳下裙也坤為裳地色黃謂二也坤元託

位於二氣發至五含五伏陽以坤元養乾元以相臣

輔幼主也至尊之位而臣攝之非坤元其孰能无忝

乎春秋傳曰黃中之色也裳下之飾也元善之長也

中美為黃上美為元下美則裳

說文黃从田从𦉰𦉰古文光白虎通三正

云十二月之時萬物始芽而白白者陰氣故殷為地正色尙白也是則陰成體於秋白其本色與陽為大赤同若地色之黃則兼火氣離六二黃離元吉即坤元鄭云離南方之卦雜為火土色黃火之子是則黃兼火色可知故字从𦉰坤伏離下之象也坤伏離下為黃猶乾伏坤下為立黃者坤元立則乾元皆伏而

未著之色也坤乾交成震震爲玄黃玄黃者蒼也五色相因以此類推其餘可盡知也干寶云陰登於五柔居尊位百官總已專斷萬機雖情體信順而貌近僭疑言必忠信行必篤敬然後可以取信於神明无尤於四象曰黃裳元吉文在中也注王肅曰坤爲文海也

五在中素坤元託位於二所謂美在其中發至五所謂暘於四支發於事業身雖臣而所行則王政也位雖二而所發則五事也雖攝居五不失黃裳之職故曰黃裳元吉文在中也

上六龍戰于野其血玄黃注荀爽曰消息之位坤位在亥下有伏乾干寶曰乾體純剛不堪陰盛故曰龍戰

案龍陽謂伏乾戰言陰陽相薄也陰極陽生盛陰疑

陽陽出不遂故戰所謂戰乎乾也

月令仲夏日長至陰陽爭注云爭者

陽方盛陰欲起也仲冬日短至陰陽爭注云爭者陰方盛陽欲起也高誘呂覽仲夏紀注云是月陰氣始

起於下盛陽覆在其上故曰爭也仲冬紀注云陰氣在上微陽動升故曰爭也然則戰者陽欲升而陰方

盛故與陰薄也說文云王位北方陰極陽生易曰龍戰于野戰者接也京氏易傳云陰極則陽來陰消則

陽長衰則戰坤為國邑
坤土地故虞注以坤為國邑茲依用之 去國百里

為郊外謂之野戰乾出震震雷百里故戰于野陰

陽之接以風雷故雷風相薄十月陽方亥姤伏養坤

中故稱血此即元也天地雜故立黃坎為血卦震為

立黃戰乎乾出乎震於時為坎屯象成矣此坤之後

所以受以屯也

太玄中次二神戰于
玄其陳陰陽義本此

象曰龍戰于野

其道窮也案陰盛極故窮乾伏西北蟄龍也屈而欲

信故戰

後漢書朱穆戒梁冀云龍戰于野其
道窮也謂陽道將勝而陰道負也

用六利永貞案乾元用九坤元用六用九君道故物莫

能先之用六臣道故利永貞凝陽則龍戰用六所以

利永貞也永長貞正謂成既濟皆以陰從陽也坤臣

道亦不自用而用六者何董子曰木五行之始也水

五行之終也土五行之中也是故木主生而金主殺

火主暑而水主寒天之數也土居中央爲之天閏土者天之股肱也其德茂美不可名以一時之事故五行而四時者土兼之也金木水火雖各職不因土方不立土者五行之主也人官之大者不名所職相其是矣天官之大者不名所主土其是矣

五行之義文

大宰

之職掌建邦之六典則坤元之用六也以佐王治邦國則坤元之順承天也周公其當之矣若以妻道言

則后立六官是也

天官冢宰鄭目錄云象天所立之官冢大也宰者官也天者統萬物

天子立冢宰使掌邦治亦所以總御羣官使不失職不言司者大宰總御羣官不主一官之事也其義與

董子同蓋王爲乾元宰則坤元也但乾元用九則所用者皆陽何豕宰獨爲坤元且坤元用六豕宰掌六典五官實統焉豈臣於乾則爲九統於豕宰又爲六與蓋乾元用九凡大臣皆是坤元不在九之列坤元順承天則亦乾元所用矣豕宰所以獨爲坤元者天子以下天下亦一人而已故非剛柔兼而又體坤元之德者不可以爲豕宰百官總之權莫大焉天子任之寵莫加焉无剛柔之用不足御羣寮无坤元之德不能承天子三叔流言周公猶懼況其下焉者乎故後世任非其人或擅權而生禍亂或亢戾以災厥躬者比比也伊尹放君周公攝政非大聖孰克當此而无忝者乎臣之義比於地地成天功故五行而四時者土兼之坤元非寂滅无爲不與天事者也五行皆生於土陰陽俱成於土百官之蕃於豕宰亦猶是天之施生地實成之數之變化陰實與之何疑於五官之統於豕宰哉豕宰之或稱豕或稱大鄭以爲進退異名百官總焉則謂之豕列職於王則爲大竊謂百官總焉謂之爲元臣服於乾則名曰坤六陰六陽周

流於外總於坤元而君以乾元三百六十之官總於
冢宰而聽於天子者也坤元順承天則陰陽九六之
成於地者莫非乾元之用卽坤元亦乾元所用者也
乾曰用九坤曰順承其義互相備也乾所用之九坤
亦成之君所立之官宰亦統之坤所用之六乾亦君
之宰所立之官王亦主之孰非乾元之用乎夫陰陽
之相使也自然之氣坤元與九六必能順乾元而不
必相兼若心志之使五官百骸也至於君臣則以異
體而爲同體雖有陽德而不脩柔順則亢矣故聖人
於坤著臣道以明爲臣者莫不宜然豈乾元所用之
九忽化爲六與五官各宰其屬亦地道成物之義而
不得謂之坤元者坤元一而已矣冢宰亦一而已矣
五官者四時分王之土各有所司冢宰則中宮之元
藏元神者也干寶云陰體其順臣守其柔周公始於
負屨南面以先王道卒於復子明辟以終臣節
故利永貞蓋本鄭周公攝政之義而推之者也

用六永貞以大終也案坤之用六以從陽也相之御

衆以從君也故曰以大終成既濟從陽以終也太宰
之職歲終則令百官府各正其治受其會聽其致事
而詔王廢置三歲則大計羣吏之治而誅賞之百官
正所謂永貞也帥其屬用六永貞也帥其屬以佐王
以大終也若此則君可无爲而治矣

文言曰坤至柔而動也剛至靜而德方(注)荀爽曰純陰

至順故柔也坤性至靜得陽而動布於四方

業陰不自動陽

動之乃動陽唱而陰和也天包乎外地居其中天體
屬地體順之故地勢坤謂順天也坤厚載物故德方
周布於四方也荀九家曰坤一變而成震陰動生陽故動也

剛柔坤其靜也翕其動也闢廣生萬物德合无疆故
德方動剛謂六化爲陽德方謂八變爲六所謂方其
義也此坤元用六爻六爻成既濟者也後得主而有
常柔天生烝民无主乃亂君子三月无君則皇皇如
也故得主有常常守也含萬物而化光柔化光謂成
既濟廣生萬物也大戴記曰天道曰圓地道曰方方
曰幽而圓曰明明者吐氣者也是故外景幽者含氣
者也是故內景吐氣者施而含氣者化是以陽施而
陰化也陽之精氣曰神陰之精氣曰靈神靈者品物

之本也

曾子天圖文

坤道其順乎承天而時行注荀爽曰

承天之施因四時而行之也

積善之家必有餘慶積不善之家必有餘殃注虞翻曰

謂初乾為積善以坤牝陽滅出復震為餘慶坤積不

善以乾通坤極姤生巽為餘殃鄭康成曰殃禍惡也

見釋文大戴記曰為人主計者莫如安審取舍取舍

之極定於內安危之萌應於外安者非一日而安也

危者非一日而危也皆以積然不可不察也善不積

不足以成名惡不積不足以滅身人主之所積各在

其取舍以禮義治之者積禮義以刑罰治之者積刑
罰刑罰積而民怨倍禮義積而民和親故世主欲民
之善同而所以使民之善者異或導之以德教或馭
之以法令導之以德教者德教行而民康樂馭之以
法令者法令極而民哀戚哀樂之感禍福之應也

禮蔡

文積聚也臣弑其君子弑其父非一朝一夕之故其
所由來者漸矣由辯之不早辯也注虞翻曰坤消至

二艮子弑父至三成否坤臣弑君上下不交天下无

邦故子弑父臣弑君也剛爻爲朝柔爻爲夕

索剛柔者晝夜

之馬融曰辨別也見釋文案弒試也伺也伺閒而後得

施也釋名文故由來漸矣早謂辨之於初也復初元吉

有不善未嘗不知知之未嘗復行不遠之復辨之早

也若弗早辨則惡積罪大必至弒父弒君詩曰子其

懲而愆後患辨於早也臧沸檻泉維其深矣言由來

漸也孔子作春秋亂臣賊子懼不嘗藥曰弒父不越

境曰弒君辨之不可不早也董子曰觀物之動而先

覺其萌絕亂塞害於將然而未形之時春秋之志也

仁義法文易曰履霜堅冰至蓋言順也案順者言履霜必

至於堅冰以明積善必有餘慶積不善必有餘殃故
宜早辯者也春秋之志於此見之董子曰孔子明得
失差貴賤反王道之本刺惡譏微不遺大小善無細
而不舉惡無細而不去進善誅惡絕諸本而已矣

王道

文順董子基
義引作遜

直其正也方其義也君子敬以直內義

以方外敬義立而德不孤直方大不習无不利則不
疑其所行也案二當位得正故直其正得位變而不
化故方其義內謂畫畫本得位故敬以直內敬身之
基也外謂畫變之爻與五應君臣義合難進易退所

謂方外也成既濟二應五故德不孤敬義既立直內
方外何疑之有故則不疑其所行此二之所以不習
无不利也

內外謂晝動之爻所謂六二
之動直以方不謂內外卦

陰雖有美含

之以從王事弗敢成也地道也妻道也臣道也地道
无成而代有終也注荀爽曰六三陽位下有伏陽坤
陰卦也雖有伏陽含藏不顯以從王事要待乾命不
敢自成也宋衷曰臣子雖有美才含藏以從其上不
敢有所成名也地得終天功臣得終君事婦得終夫
業故曰而代有終也案董子曰天爲君而覆露之地

為臣而持載之陽為夫而生之陰為婦而助之

基義文又

五行封云地出雲為雨起氣為風風雨者地之為為地不敢有其功名必上之於天命若從天氣者故曰天風天雨莫曰地風地雨勤勞在地名一歸於天故下事上如地事天又竹林云春秋之義臣有惡君名美故忠臣不願諫欲其由君出也書曰爾有嘉謀嘉猷入告爾君於內爾乃順之于外曰此謀此猷惟我后之德此為天地變化草木蕃

蕃息也天地交則草木被其澤上下交則人民沐其

休詩曰瞻彼旱麓榛楛濟濟

箋云旱山之足林木茂盛者得山雲雨之潤澤

也喻周邦之民獨豐樂者被其君德教

呂覽曰天地有始天微以成地

塞以形天地合和生之大經也

有始覽文

天地閉賢人隱

案閉塞也天地閉塞君臣不交故賢人隱草木蕃謂

四成爻賢人隱謂畫不動也詩曰隰桑有阿其葉有

難言賢人野處也

箋云喻時賢人君子不用而野處

故觀草木則賢

人之進退可知觀賢人則民物之枯榮可見易為五

經之原撥亂反正春秋本之以物為喻則詩之比興

也易曰括囊无咎无譽蓋言謹也案天地否閉時不

可為詩所謂靡哲不愚者也卷而懷之括囊故謹慎

以避害言亦无從周之衰也變風息焉知其不可而

為之磨不磷涅不緇者其唯聖人乎君子黃中通理

正位居體案黃中謂坤元從二至五養五伏陽大臣
輔幼主之象也理分也坤者陰卦五者陽位臣當退
處君當正位此君臣上下之分也君子通理名分審
矣故正位居安也位不正則體不安周公其猶病諸
位正則君君臣臣各安其居而不相疑也故正位居
體太立務次八曰黃中免於禍貞測曰黃中免禍和
以正也坤爲地在地成形故曰體禮器曰天時有生
也地理有宜也人官有能也禮也者猶體也體不備
君子謂之不成人設之不當猶不備也正位居體則

設之俱當心安而體舒矣

黃中者心之主人之元也
樂緯動聲儀云上元者天

氣也下元者地氣也中元者人氣也氣以定萬物通於四時者也象天心理禮樂通上下四時之氣和合

人之情以慎天地者也然則人必有元乃能通理五行五日土五事五日思思屬土心主之心火藏土託位焉坤元之藏也卦為離乾神栖焉卦為坎坎離者既濟也以卦爻言位分二五其實二五氣通二面一也

以天地言之地在天中以陽包陰離也天元藏地中以陰包陽則坎也然則坎也者離之中畫因元神藏焉而厥象著也離為目其童子坎之精也元也既濟之象如斯而已管子云心之在體君之位也九竅之有職官之分也心也者智之舍也心以藏心心之中又有心焉此即坤元養乾元大臣輔幼王之象也

白虎通性情云心心火之精也說文云心土藏博工說以爲火藏蓋心者火火生土土位中央神託於火是以五行以思聖土素問解精微論云心者五藏之專精也六節藏象論云心者生之本神之變也魯蘭秘

嫌吝於懷宣帝若負芒刺於背所謂疑陽必戰者也
羣叔流言公將不利於孺子所謂嫌於无陽者也代
主制命自下裁物能无嫌乎金滕書啟公德乃彰所
謂故稱龍焉雖履无陽之嫌實懷尊陽之心居攝者
爲主幼耳所謂猶未離其類也故稱血焉黃裳元吉
疑陽必戰用六之所以利永貞也

周易姚氏學卷第三終